

遊齊雲山記

程敏政

環休甯縣山皆平遠不足以當大觀出縣西二十里至白嶽嶺山始高峰始奇石路盤迴如線遊者肩輿緣梯而升至以雙絙曳前後其甚處輒下行拊背或行不能步自白嶽西南行五里至桃源嶺重巖夾峙上結小屋以臨風日中和亭立亭心下視已數百仞田田茅屋秩秩如畫亭下二巨石蹲伏色黧黑中有白質成突睛曰石鼈塢塢旁大壑深不得其底但聞水聲濺濺出樹間曰桃花澗南行里餘至獨聳巖蒼然峭壁橫絕一山近西乃有石罅方廣若門蓋天造以通遊者門首石楠一株其大數圍四顧門下諸石如伏犀馴象不可狎玩入石門東南聯巖

道藏輯要

天下名山記  
江南齊雲程

奎

軫集一  
又三又

如城懸石四覆勢欲飛墜其第一曰彌陀巖巖屋不踰丈第二曰觀音巖視彌陀稍劣前一石色正綠昂啄而躡尾曰鸚鵡石第三曰羅漢洞稍加大焉二石龍循洞門旁出鱗骨隱隱蹴之疑爲石子所砌諦視之石肉相黏復意其爲真龍也洞深二十餘里東炬東出可抵縣之藍渡溪然愈入愈狹莫敢爲之導者第四曰龍王巖視觀音加劣巖上飛泉灑灑落巖下如雨四時不竭曰珍珠簾瀦水沸散于西澗曰龍池泉西巖有虎跡如泥淖所印者曰黑虎岑黑虎西行折南里餘至車嶺嶺其峻視白嶽倍之車嶺南二里餘至玄武觀觀後一山突起如屏倚天正立所謂齊雲巖也古松數十天矯如虬龍皆數百年物觀左一

峰曰石鼓右一峰曰石鐘夾屏兩峰曰輦輅皆以其形名觀前  
溪水如帶委蛇而東爲石橋以度南直觀門數百步一峰挺然  
拔出莽蒼中不與羣山相屬曰香爐峰橋西數百步高巖中斷  
一小峰離立礪下曰捨身巖巖西二里餘五峰差列如羣仙冠  
珮下天際以向齊雲曰五老峰西北聞有沈香洞人跡罕至草  
木蒙翳時有蛇龍潛其中不能往也遊者始入率以白嶽高至  
桃源則白嶽已在其下至車袂則桃源又下至齊雲則車袂益  
下蓋於此可以見天之高地之迴而不知身之在何境也舊碑  
云宋寶慶丁亥有道士天谷子自黟北來居彌陀巖一日見異  
人相語前山高空可移隱於彼天谷子許之如約訪其處已有  
道藏輯要

天下名山記  
江南齊雲程

畜

軫集一  
川上上

塑像在焉土人驚異往觀以爲類玄武之神因荆道院已丑弗  
戒于火淳祐辛酉大雷雨裂石壞屋而神像巍然獨存跡其事  
若不經然山林所鍾亦疑其有不依形而立者予獨慨茲山之  
勝淪于窮鄉下邑而不當夫周原廣陸之間以名天下爰志其  
概以貽好事者且以繫他日故山之思而又慨予文之不工不  
足爲茲山之幸也